

Karta husi Taizé 2012

Ba primeira vez, ita nia enkontru ba dala uluk halao hela iha Berlin. Berlin mak sidade nebé iha karakteristiku diversidade nebé boot, sidade nebé hateke ba oin nomos iha hakaas hela an atu integra memoria nebé nokonu ho kanek tempu uluk nian. Sidade nebé nia populasun hatudu tiha ona katak situasaun defisil lahalo sira sai laran kiik. Maski sira uitoan deit maibe ema Kristaun iha neba hakaas an atu moris tuir evanjelho. Hanesan sira halo ba sekte nebé lahanesan. Sira nia sasin no involvimentu kristaun laos opsaun ida maibe buat nebé nesesariu los. Parokia no kongregasun barak mak moris iha solidariedade nebé ema mos simu sira. Primeira visitasaun husi irmaun Taize iha Berlin foti fatin iha tinan 1955. Wainhra moru hari iha tinan 1961 hafahe tiha sidade ne'e ba rua, Irmaun sira aumenta sira nia visita ba Berlin Norte. grupu orasaun barak forma tiha ona iha neba iha tinan 1980. Irmaun Roger ba iha tinan 1986 hanesan peregrinu ba fiar nian. Sai buat nebé nesesariu los atu husu ba autoridade komunista nian lori fo lisensa ba serbisu orasaun nian nebe iha laran inklui agreja boot rua katolika no protestante, lori hamutuk joven sira nain 6000 husi Alemanha Norte, lisensa hetan tiha ona ho kodisaun katak laiha partisipante husi parte Leste. Periode agora troka tiha ona Berlin mak simbolu ida ba ema hot-hotu iha mundu hot-hotu nebé hakaas an atu haksoit liu separasaun atu tama ba fini fiar nian

HAKAT BA SOLIDARIEDADE FOUN IDA

Ita presiza foti desizaun nebé barani atu solidariedade foun ida bele buras iha ema nia let, iha level hot-hotu, iha familia, komunidadade, sidade, suku, entre nasaun no kontinente.¹

Konsiente ba resiko sira no terus nebé mosu iha ema nia moris no planeta ne'e, ita la persiza rende ba tauk no rezignasaun.²

¹ Maski solidariedade ema nian sempre sai buat ida nebé nesesariu maibe, presiza hafoun konstantemente liu husi dalan sira nebe foun. Ohin loron nunca iha istoria gerasaun foinsae sira importante los atu prepara, atu fahe rekursu rai nian ho justu liu tan, fahe riku soin hanesan liu tan entre kontinente no iha nasaun nia laran.

² Movimentu lao iha sosiedade foun ida mak buat nebé ita bele halo. Movimentu ne'e hetan nia kbit husi fiar katak istoria husi mundu nian laos determinadu. Mai ita hanoin fali ezemplu balun; entre ezemplu bar-barak: liu tiha II Guerra Mundial, ukun nain politiku barak iha esperansa boot ba rekonsiliaun no hahu ho barani hari Eropa ida iha solidariedade; Iha 1986 revolusaun dame ida hamosu transformasaun klean ida iha Filipina; movimentu popular Polandia nebé boot naran *solidarność*, prepara dalan ida la ho violensia, prepara dalan ida liberdade ba nasaun balun iha Eropa; moru Berlin nebe monu iha 1989, buat ida nebé ema labele imazina molok ne'e; iha tempu ne'e mos nasaun balun sira iha Amerika latin hahu dalan ba demokrasia no dezentvolvimentu ekonomiku ida nebé ema mehi lahetan. Husi dalan ne'e ema espera katak ema kiak sira sei hetan preveitu lalais. Hakotu apartheid iha Afrika do Sul no Nelson Mandela nia kbi'it dada ema ba rekonsiliaun; ikus ne'e ita sai sasin kona ba hakotu violenzia politika iha Irlandia do Norte no iha país Vasco.

Maibe insatisfasaun sempre ameasa ema nia esperansa diak ida. Difikuldade ekonomia sira nebé aumenta todan liu tan kompleksidade nebé iha sosiedade no susar hasoru dezastre natural sira, buat sira ne'e hotu estraga ema nia esperansa.³

Atu kria forma foun iha solidariedade, tempu to'o ona ka sedauk atu halo esforsu bo'ot liu tan atu loke we-matan esperansa?

Laiha ema no sosiedade ida bele moris iha sem konfiansa.

Wainhira konfiansa hetan negasaun nia kanek sira sai klean liu tan.

Konfiansa laos delek ba lia bosok, laos liafuan nebé sulin, maibe rezultadu husi buat nebé ita hili, frutu husi luta interior. Lor-loron bolu ita hetan vokasaun atu la'o dala ida tan husi preokupasaun la'o ba konfiansa ne'e.

KONFIANSIA IHA EMA NIA LEET

Loke dalan ba konfiansa ne'e hatan ba nesesidade urjenti ida. Maski komunikasaun sai fasil no fasil ba daudaun, ita sosiedade umanu sira kontinua fahe malu ba grupus.

Moru ezisti laos deit entre povu no kontinente maibe besik mai ita no iha ita nia fuan laran. Haré ba prezuizu sira entre nasaun oi-oin, hare deit imigrante besik los maibe dalabarak dook los. Reliziaun sira kontinua lahatene malu no ema sarani rasik fahe malu ba sekte oi-oin.

DAME IHA MUNDU HAHU IHA ITA NIA FUAN

Atu hahu solidariedade ita persiza loke an ba ema seluk, dala ruma ho liman mamuk, rona no esforsu an atu komprende ema seluk nebé hanoin lahanesan ita. Ida ne'e deit transforma tiha ona situasaun maten ida.

Mai ita koko no fo atensaun ba ema mukit sira, ba ema sira nebe lahetan serbisu. Ita nia atensaun ba ema sira nebe kiak liu, ita bele hatudu ho involve an iha aksaun sosial ruma. Iha nivel ida nebé klean liu tan, ne'e mak atitude abertura ida ba ema hot-hotu, ema sira nebé besik mai ita iha certu sentidu no mos ema kiak nebe persiza ita.⁴

Hasoru pobreza no injustisa, ema balun hatan hodi revolta ka halo violensia nebé laiha finalidade. Violensia labele sai dalan ida atu halo mudansa iha sosiedade.⁵ Maibe ita persiza ema foin sae sira nebé hatudu sira nia indignasaun atu bele hetan motivu ba violensia.⁶

³ Dezevolvimentu iha ekonomia mundu nian hamosu pergunta barak mai ita. Balansu geopolitika iha poder muda daudaun dezigualdade aumenta daudaun. Siguransa sira tempu uluk nian lakon ona kbit ba ohin loron. Buat sira ne'e bele sai motivu ba ita atu reflète liu tan kona eskolha sira nebe ita halo iha ita nia moris ka lae?

⁴ Pobreza laos deit kona ba vida material. Pobreza bele konsisti iha laiha maluk, laiha kapasidade atu hetan sentidu kona ba moris no laiha kapasidade atu hetan buat nebé konsisti iha ita nia moris hanesan puizia, arte no buat hotu nebé loke beleza kriasaun ba ita.

⁵ Iha 1989 iha Alemanha Leste, iha lorokraik molok moru Berlin monu, ema nebé realiza demonstrasaun iha dalan husu atu lori lilin ida nebé sunu moris. Liman ida

Motivasaun atu hetan solidariedade foun ida mai husi fiar nebe klean: entre konviksaun ida ne'e, ida mak fahe vida.⁷ Fahe vida sai motivu nebe bele halibur ema fiar nain husi reliziaun nomos halibur ema fiar nain no ema sira nebe laiha fiar.

KONFIANSA IHA MAROMAK

Solidariedade entre ema bele hetan fundamentu nebe metin iha Maromak, maibe hetan pergunta boot. Ema Fiar nain barak hetan esperensia negativu iha sira nia fatin serbisu, fatin estuda no iha sira nia familia.

Ema barak nebe laiha kapasidade hodi fiar ba Maromak nebe hadomi sira pesoalmente. Ema barak mak ho honestidade ida nebe boot husu pergunta oinsa hau atu bele hatene katak hau iha fiar?

Ohin loron fiar mosu nudar risiko ida, risku atu iha konfiansa.

Fiar la signifika liu-liu simu lia los sira maibe relasaun ida ho Maromak.⁸ Fiar ne'e bolu ita se matan ba naroman Maromak nian.

Fiar ne'e laos dada ita ba moris atan nian no satan netik ita nia dezvoltimentu pesoal,⁹ maibe fiar ba Maromak halo ita livre, livre husi tauk, livre atu moris servi sira nebe Maromak konfia mai ita.¹⁰ Konfiansa ba Maromak krese liu tan iha ita nia fuan nomos krese liu tan atu hakuak buat hot-hotu iha mundu ne'e no iha kultura hot-hotu.

presiza kaer lilin ne'e no liman ida seluk atu hatau lilin husi anin no laiha liman ida tan nebe libre atu halo aksaun violensia.

⁶ Foinxae Espanhol sira nebe involve iha movimentu naran indignados iha Madrid hakerek mai hau dehan "koalker buat ida deit bele akontese se situaun la sai diak. Ema barak la iha serbisu; lakon uma no direitu umanu baziku, iha konfusaun no hirus barak tamba sistema sosial no ekonomia nebe la justu, demokrasia falsu nebe la garante sidadaun nia direitu. Ita husu saida mak Taize halo ba ami? Ami nia resposta: O bele hatudu buat nebe o halo tiha ona, Oinsa atu mantein dame fuan nian. Ami presiza ita nia orasaun no efeksaun nebe ita hatudu ona mai ami. Fahe informasaun ba foinxae barak nebe iha luta hanesan ho ami.

⁷ Por ezemplu komprende katak nasaun sira iha osidente laos uluk knanain hetan vokasaun atu ajuda humanitaria iha Afrika maibe hetan garante justiza ba kontinente ne'e. Hanesan mos iha nasaun Haiti; povu Haiti ho dignidade nebe boot no fiar nebe autentiku tebes sai tiha ema matrapa no hatun liu hotu iha historia.

⁸ Iha okaziaun barak Papa Beneditu XVI sublinha katak relasaun pesoal ida ho Maromak mak sai fundamentu iha fiar, por ezemplu wainhira nia hakerek "Sai kristaun laos resultadu husi eskolha etika maibe, enkontru ho eventu ida, ema ida nebe fo nia moris atu iha horizonte foun ida no diresaun ida nebe diseziva (menentukan)"

⁹ Ita presiza konstantemente purifika husi prozekaun no tauk, dalaruma liu husi luta interior entre duvidas no konfiansa. Ita nia mente hola parte iha luta ne'e no nia sei la satisfeitu ho aprende simples ida. Tamba ne'e, dalaruma foinxae barak la kontenti ou refere an ba tradisaun sira Igreja nian, atu dudu sira ba fiar ida nebe nakonu ho konfiansa, presiza tebes partisipasaun no fiar ida nebe pesoal.

¹⁰ Komentar apostolu Saun Paulu nia liafuan sira "Maski hau ukun rasik an kona ba buat hotu, hau halo tiha hau nia an atu sai atan ba ema hotu atu manan ema barak liu" (1 korintu 9:19). Martin Luther hakerek: "Ema kristaun ida mak ema libre ida,

Hanesan loro matan, Maromak nebé nabilan demais atu ita hare, maibe Jesus hatudu Maromak nia nabilan ne'e bele leno borus. Biblia tomak habelar konfiansa ida ne'e. Maromak nebé transsendenti absoluta tama iha realidade ita ema nian no koaliala ho ita ho lian nebé ita bele komprende.

Buat sa mak distintivu iha fiar sarani? Jesus nia pesoa no relasaun ida nebé viva ho Nia. Ita nungka mais komprende ida ne'e tomak.

KRISTU KOMUNHAUN NIAN

Ita mesak peregrinu ida buka lia los. Fiar ba kristu la signifika katak iha lia los maibe husik nia tau matan ba ita ho ba dezentovimentu nebe kompletu.

Buat nebé agora no aban nain rua sei foun nafatin ne'e mak Jesus haklaken Maromak nian iha vida simples ida. Moris lalehan halo Jesus sai umanu liu tan.¹¹ Ho hatudu nia an tomak iha simplesidade ema nian ida, Maromak hafoun. Hahu iha tempu ida ne'e ita la bele tan lakon esperansa ba mundu ne'e no ba ita nia an rasik.

Ho simu mate ida nebé violentu lahasoru ho violencia, Maromak lori nia domin iha odiu nia leet.¹² Iha krus tutun Jesus la simu fatalismu no pasividade. Nia hadomi to'o rohan no maski terus ne'e iha karakter absurdu nebé ema la komprende.

Jesus kontinua konfia hatudu katak Maromak boot liu diabun. Mate nunka fo desizaun final. Paradossalmente Jesus nia terus iha krus nakfilak sai sinal domin rohan laek.¹³

Maromak halo nia moris hias. Kristo laos deit buat tempu uluk nian. Nia iha ne'e kada loron foun. Nia haraik espiritu santu nebé halo ita moris.

Sentru husi ita nia fiar mak Jesus nia moris hias presenti iha ita nia leet, nebe iha lasu domin pesoal ida ho ema ida-idak. Halo ita nia matan se ba Nia hodi hamosu iha ita nia an; halo ita admira, halo ita komprende klean liu tan ita nia ezistensia.

Se ita fihir ba nia naroman iha orasaun laran nia roman ne'e gradualmente hahu leno iha ita nia laran. Misteri Kristu nian nakfilak sai misteriu ba ita nia moris rasik. Los duni katak ita nia kontradiksaun interior sira no ita nia tauk la bele halakon, maibe ho espiritu santu

mestri ba buat hot-hotu, la sai atan ba ema ida. Ema kristaun ida nakonu ho obidensa no atan ba buat hot-hotu". (Luther, The freedom of Christian)

¹¹ Jesus laos asetiku boot ida, Nia halo milagre sira liu-liu hahalok kura, maibe iha momentu desesivu iha Krus tutun, wainhira Nia hatudu silensiu ida nebe ema terus nain sira konkorda atu hola parte. Susar ba apostolu sira atu komprende katak Jesus mak Messias kiak ida. Karik sira hein katak Jesus sei muda kondisaun social ou politika iha tempu neba. Sira la hatene katak Nia mai atu hasai diabun ho nia abut sira.

¹² "Wainhira ema hasara Nia, Nia lahasara fali; wainhira Nia terus, Nia la siak fali; maibe Nia tau laran metin ba ida nebe tesi lia los." (1 pedro 2:23)

¹³ Wainhira ita konfronta ho terus ema sel-seluk nian ita lakompriende pergunta, hakilar nebé nia rohan ita rona iha istoria tomak to'o iha ita nia fuan; Maromak iha nebé? Ita laiha resposta nebe prontu maibe ita bele konfia an ba Kristu nebe konkista tiha ona mate, Kristu nebé hamutuk ho ita iha terus laran.

Kristu tama totalmente halo ita prekupada ba ita nia an rasik. Nune'e roman ne'e leno fatin nakukun sira iha ita nia an.¹⁴

Orasaun dada ita ao mezmu tempu ba Maromak no ba mundu.

Hanesan Maria Madalena nebe iha paskua dader hare kristu moris hias, ita hetan vokasaun atu fahe lia menon ne'e ba ema seluk.¹⁵ Igreja nia vokasaun mak atu halibur ema fetos no mane no labarik sira husi lian hot-hotu, husi nasaun hot-hotu iha dame Kristu nian. Igreja mak sinal katak evanjelhu koalia lia los. Igreja mak Kristu nia isin nebe hetan moris husi espiritu santu. Nia mak halo "Kristu nia komunhaun" ne'e present.¹⁶

"Wainhira Igreja la kole rona,¹⁷ kura no hadame, nia sai Igreja duni nebe nabilan-komunhaun domin, kompasaun no konsolasaun nian. Hatudu Kristu nia moris hias, nabilan lolos, lahela dook, la defende an, livre husi forma sira nebe makaas. Igreja bele halo konfiansa fiar nian ne'e nabilan iha ema nia fuan."¹⁸

KOKO ATU SAI "masin rai nian"

Kristu kominhaun nian la mai iha mundu atu haketak ema sarani no forma sarani sira iha izoladu, maibe sai atu servi humanidade hanesan fermentu konfiansa no dame nian.¹⁹ Komunhaun visibel ida iha ema sarani sira, ne'e laos finalidade ba nia an rasik maibe atu sai sinal iha humanidade nia laran. "Ema mak masin rai nian."²⁰

Liu husi krus ho nia moris hias Kristu hari solidariedade foun ida iha ema nia leet. Iha Kristu humanidade nebe fahe malu iha grupu sira nebe lao hasoru malu ne'e rezolve tiha ona. Iha Nia, ema hot-hotu forma iha familia ida.²¹ Rekonsiliasaun ho Maromak hamosu

¹⁴ "Orasaun kontemplasaun ba Maromak nia naroman inklui mos rona liu husi eskritura, ita komprende katak Maromak mak dalaruma koalia ba no hato'o pergunta mai ita. Dalaruma Kristu mak ema kiak ida nebe hakarak ita hadomi no dehan ba ita, "Hau hamrik iha odamatan oin no dere." (revelasaun 3:20)

¹⁵ Hare joão 20:11-18.

¹⁶ "Kristu Komunhaun" ne'e espresaun ida mai husi irmaun Roger nune'e mos teologia ida husi Berlin, *Dietrich Bonhoeffer*, wainhira nia sei nurak los, tinan 21 dehan: "Kristu eziste nudar komunidade". Nia hakerek katak "liu husi Kristu Nia humanidade integra an tama ho komunhaun ho Maromak". (Bonhoeffer, *Sanctorum communio*)

¹⁷ Iha nebe deit iha Igreja nia laran, ministeriu atu rona bele pratika husi ema mane no fetos nebe didika an ba serbisu ida ne'e. Iha ema leigu sira nebe halo knaar rona ne'e nebe bele kompleta knaar Nailulik sira nian.

¹⁸ Brother Roger, *Peace of Heart in all things*.

¹⁹ Maski serbisu ne'e signifika katak lao hasoru buat nebe dehumaniza sosiedade maibe, sei halo nafatin serbisu ne'e nudar dialogu konsultivu ida ho periodu istoriku ida-idak. Fermentu laos atu "pamer" forsa, fermentu sei la hatudu nia kbiit wainhira sedauk kahur ho varinha. (Saint Jhon Chysostom, Homily 46 on Mattew)

²⁰ Mateus 5:13

²¹ Kristu dehan: "Wainhira ema foti Hau husi rai, Hau sei dada ema hotu mai Hau" (João 12:32). No apostolu Paulo: " Ne'e duni, laiha tan ema Judeu ka gentiu; atan ka laos atan; mane ka fetos: imi hotu ida deit tamba Kristu" (Galasia 3:28)

rekonsiliasaun iha ema nia leet.²²Maibe se masin lakon tiha nia mer...Ita tenki rekonhese katak ita ema Kristaun sira dalabarak hamenus tiha Kristu nia mensagem ida ne'e liu-liu oinsa ita atu fahe dame se ita rasik kontinua fahe malu. Ita agora ne'e to'o ona iha tempu ida iha istoria atu hamoris fila fali mensagem domin no paz nian. Ita sei halo buat hotu nebe ita bele, livre husi inkomprensaun sira atu mensagem ne'e bele hatudu naroman iha nia simplesidade original?

Bele ka lae ita la ho hasoru buat ida lao hamutuk ho ema sira nebe lafiar hanesan ita, maibe buka lia los ho sira nia fuan tomak?²³

Iha ita nia esforsu atu kria forma foun sira ba solidariedade no loke dalan foun ba konfiansa iha no sei iha nafatin dezafiu. Dalaruma dezafiu sira ne'e ita hare ba todan demais entaun ita sei halo saida? Laos ita nia resposta ba dezafiu pesoal sira no ema seluk atu bele hadomi liu tan?

²² Efesu 2:14-18: "Nai mak ita nia dame; Nia halo povu rua ne'e sai ida deit; Nia hatun tiha moru nebe haketak ita, hodi sobu iha Nia an rasik laran hirus malu nian; Nia halo folin iha nia isin rasik ukunfuan, Nia haruka sira atu hola iha nia an ema foun ida deit husi uma kain rua ne'e hadame malu iha isin ida deit iha Maromak. Iha Nia an rasik, Nia oho tiha laran hirus nian malu nian. Nia mai atu lori liafuan diak dame nian; dame ba imi nebe hela dook no dame ba sira nebe hela besik. Husi Nia, ita rua hetan espiritu ida de3it atu barani hakbesik ba Aman" Kristu hakotu ona moru nebe fahe ema ho Maromak, ema ho ema seluk. Ema hotu iha assesu ho Maromak, labele limita solidariedade ba familia no nasaun ida, nia tenke hakuak ema partikular no nia interese.

²³ Por ezemplu fahe malu pergunta sira hanesan: Hau nia moris iha sentidu saida? Buat saida mak fo ona diresaun ba neon ne'e? Buat saida mak fo diresaun atu halibur hau nia ezistencia sira?

Faze tuir mai iha peregrinasaun fiar nian iha mundu

Hamutuk ho grupu foin sa'e internasional ida, Br. Alois sei ba Genevra iha Sesta-feira, 2 Marsu 2012 atu hasoru Konsellu Mundial Igreja sira nian.

Enkontru Internasional Foin Sa'e sira nian ba dala 3 iha Afrika sei hala'o iha Kigali, Rwanda, 14-18 Novembru 2012

Enkontru Foin Sa'e Europa nian ba dala 35 sei hala'o husi 28 Dezembru 2012 too 2 Janeiru 2012 iha Tialia, iha sidade Roma.

Hamutuk ho foin sa'e sira husi kontinente oi-oin, Br Alois sei ba Istambul, 4-6 Janeiru 2013, atu selebra Festa Epifania ho Patriarka Ekumeniku Konstantinopla, Bartolomeu I, hamutuk ho sarani sira iha sidade ne'e.

Iha 2015: Sorumutu atu hetan Solidariedade Foun

Tinan tolu ho balu liu mai ne'e, ita nia "peregrinasaun fiar nian iha mundu" sei buka dalan foun atu tau tema bot sira iha karta solidariedade foun ne'e iha praktika.

Solidariedade foun nebe bele tau halibur ema hotu nebe mesak peregrinus dame nian, peregrinus lialos nian, ema fiar na'in ka lae.

Tinan tolu ho balu atu halo ema foin sa'e sira husi kontinenti ida-idak atu mobiliza sira nia enerjia, atu tau halibur sira nia mihi, no instituisaun no esperiensa sira.

2012: loke dalan sira ba konfiansa iha ema nia let

2013: Loke wematan konfiansan ba Maromak

2014: buka komunhaun visible entre ema hotu nebe hadomi Kristu

2015: sai 'masin rai nian'

Iha Agostu 2015

Iha Taizé: sorumutu atu hetan solidariedade foun

Aniversariu ba dala 75 Komunidade Taizé, no tinan moris nian ba dala 100 Br Roger.